

## يكفي بقى هدم في مبانيه<sup>(١)</sup>

وطني العزيز غالي عليه أفديه با الروح  
 أنا بت على حالته دهيه عيان مطروح  
 وبكيت عليه لما عينيه من كتر النوح  
 دبلت وشاف قلبي أسيه وصبح مجروح

\* . \* . \* . \*

شفت الفضايح في السیما منها راح انجن  
 ما بقاش كرامة ولا قيمة أبدأ لفرن  
 والعاقبة راح تبقى وخيمة ولا حد يحن  
 علشان أشوف حاجة عظيمة صوتي مدبوح  
 وبكيت كثير لما عينيه من كتر النوح  
 دبلت وشاف قلبي أسيه وصبح مجروح

\* . \* . \* . \*

وشفت خمره بتنباع فيه بقى دا اسمه كلام  
 دا شي يا ناس ما أمرناش بيه دين الإسلام  
 يكفي هدم في مبانيه دا، دا كله حرام  
 لأوا الفساد دائماً بلاقيه ما أطرح ما أروح  
 حتى بكيت لما عينيه من كتر النوح

(١) تم التأليف يوم ١٦ يناير - كانون الثاني - ١٩٥٠ .

مجرّوح	وصبح	دبلك وشاف قلبي أسّيّه
دلوعه	بقي	والشاب يا مصر تمايع
جربوعه	مع	يقضي وقته ما فيش مانع
مبلوعه	مش	أفعال جنابه لو طواع
ما ترد يا لوح		ما تقول لي ليه ما انتش نافع
من كتر النوح		وبكيت عليه لما عينيه
مجرّوح	وصبح	دبلك وشاف قلبي أسّيّه

\* . \* . \* . \*

فيها	وتنفوخ	أما البنات حا تولعها
أهليها	من	مش لاقيه حد بيرجعها
لياليها	طول	تفضل مع «روميو» بتاعها
الروح	وترد	لحد ما النار تلسعها
وتنوح	وتبكي	ترجع وتقول كنت ضحيه
المجرّوح	قلبي	من دي الأمور لاقى أسّيّه

\* . \* . \* . \*

خد شوف فيه إيه		أحسن مجلة حاجيبها لك
ما أعرفش دا ليه		صور الفجور ناشرينها لك
من سيدنا التيه		وإن قلت عيب ما انتش سالك
تبوح	بالسر	وحاجات كثير لو أقولها لك
من كتر النوح		خلتني أبكي وعينيه
مجرّوح	وصبح	دبلك وشاف قلبي أسّيّه

\* . \* . \* . \*